



## PROPOSTA RESOLUCIÓN PROVISIONAL DA CONVOCATORIA BOLSAS EXCELENCIA MOCIDADE EXTERIOR, CO FIN DE CURSAR ESTUDOS DE MÁSTER QUE SE INICIEN NO CURSO 2020/21 NUNHA UNIVERSIDADE GALEGA

Por resolución do 24 de febreiro de 2020, da Secretaría Xeral da Emigración, aprobáronse as bases reguladoras e procedeuse á convocatoria de 150 bolsas excelencia mocidade exterior, co fin de cursar estudos de máster que se inicien no curso 2020/21 nunha universidade galega (DOG nº 44 do 5 de marzo).

Segundo o artigo 13 da resolución da convocatoria, a Subdirección Xeral de Xestión Económico - Administrativa e do Retorno é o órgano competente para a instrución do procedemento de concesión das bolsas.

Nesta convocatoria presentáronse un total de **301 solicitudes**, que unha vez examinadas coa documentación presentada e rematado o prazo de emenda ou de presentación de documentación preceptiva, acadouse o seguinte resultado:

- 220 solicitudes que continúan o proceso de selección
- 81 solicitudes que non cumpren requisitos ou non emendaron a solicitude.

Nos artigos 14 e 15 da resolución da convocatoria, establécese a comisión de valoración como o órgano colexiado encargado de avaliar as solicitudes que cumpran os requisitos establecidos na convocatoria, así como a súa composición e os criterios de avaliación. Tamén se establece que emitirá un informe no cal se concretará o resultado da avaliación efectuada establecendo unha orde das persoas solicitantes segundo as puntuacións outorgadas, no que se recollerá unha lista cun máximo de 250 persoas solicitantes que quedasen clasificadas nas primeiras posicións e que continúan no proceso de selección.

Con data 6 de xullo de 2020, a comisión de valoración elaborou un informe no cal se concretou o resultado da avaliación efectuada das 220 solicitantes de bolsa que continuaban o proceso de selección e no que se decidiu que dúas persoas tiñan unha titulación que non lles permite acceder a un máster universitario e que quedaban excluídas do proceso de selección.

Como resultado desta avaliación a comisión elaborou unha lista coas **218 persoas solicitantes** da bolsa ordenada polas puntuacións outorgadas segundo o establecido no artigo 15 da resolución da convocatoria.

De acordo co establecido no artigo 16 da convocatoria, á vista do expediente e do informe da Comisión Avaliadora, o órgano instrutor formulará a correspondente proposta de resolución provisional coas listas de persoas candidatas á bolsa, suplentes e excluídas.





Polo exposto, formulo a seguinte,

#### **PROPOSTA DE RESOLUCION PROVISIONAL**

Primeiro.- Declarar como **candidatas á bolsa** ás **150 persoas** que obtiveron a maior puntuación, que constan no Anexo I.

Segundo.- Declarar como candidatas **suplentes á bolsa** ás **68 persoas** segundo a orde de puntuación obtida, que constan no Anexo II.

Terceiro.- Declarar como **excluídos** ás **83 persoas solicitantes** desta convocatoria de bolsas, que non acreditaron o cumprimento dos requisitos esixidos na convocatoria , que constan no Anexo III.

De conformidade co disposto no artigo 16.1 da resolución de convocatoria, as persoas interesadas disporán dun prazo de cinco (5) días hábiles contados a partir do seguinte ao da publicación desta proposta na páxina web da Secretaría Xeral da Emigración para que **presenten as alegacións oportunas**.

Santiago de Compostela,

Subdirector Xeral de Xestión Económico Administrativa e do Retorno

José Carlos García Bouzas

